



Broj: T01 0 KT 0045265 24
Dana, 15.01.2025.godine

OPĆINSKOM SUDU U VELIKOJ KLADUŠI
-sudiji za prethodno saslušanje-

Na osnovu odredbe člana 45. stav 2. tačka h) i odredbe člana 241. stav 1., a u vezi sa odredbama člana 350. stav 1. i 2. Zakona o krivičnom postupku FBiH, podižem;

OPTUŽNICU

PROTIV:

H. H.

DA JE

Dana 14.04.2024.godine u mjestu G. općina V. K., u tačno neutvrđeno vrijeme, zbog ranijih loših odnosa sa M.E. i naknade štete koju je istom morao platiti po presudi Općinskog suda u V. K. od 09.04.2024.godine, nakon što je susreo njihovog zajedničkog poznanika G. A. svjestan da ozbiljnom prijetnjom da će napasti život druge osobe ugrožava njenu sigurnost i htijući to, istome rekao „ ja ću ga ubiti, neće ovo dobro završiti ako mi ne vrati moje pare koje sam ja morao platiti sudu zbog njega“ i ponovio to više puta misleći pritom na M.E. pa kada je G. A. sutradan to rekao sinu M.E. A. M., a ovaj svome ocu E. isti je osjetio strah za svoj život te je sve prijavio policijskim službenicima PS Velika Kladuša, pa kada su dana 16.04.2024.godine policijski službenici V. F. i M. A. došli do kuće H. H. da bi s njim obavili razgovor na okolnosti prijave M. E. svjestan da ozbiljnom prijetnjom da će napasti na život druge osobe ugrožava njenu sigurnost i htijući to pred policijskim službenicima rekao “ ako mi E. ne vrati pare, jedan će u zemlju, a drugi u Zenicu, a potom je rekao „ bolje mi je u zatvoru nego u ovoj vukojebini, obje će ostati udovice“ pritom misleći na svoju i E. suprugu što je izazvalo strah kod M. E. za vlastiti život, a kada mu je zbog izrečenih prijetnji oduzet pištolj marke Zastava CZ 999 broj: (...) cal.9 mm, sa pripadajućim okvirom sa 12 komada metaka cal.9 mm, rekao da će otići u B. L. i kupiti sebi drugi pištolj.

Dakle, ugrozio sigurnost neke osobe ozbiljnom prijetnjom da će napasti na život te osobe,

Čime je počinio krivično djelo - *Ugrožavanje sigurnosti* iz člana 183. st.1 KZ F BiH.

Na osnovu iznesenog predlažem da naslovni sud, bez provođenja glavne rasprave, donese presudu kojom se optuženi H. H. oglašava krivim i izda sljedeći:

KAZNENI NALOG

Optuženom H. H., sa ostalim podacima kao u optužnici, zbog krivičnog djela - Ugrožavanje sigurnosti iz člana 183. stav 1. KZ F BiH, izriče se:

UVJETNA OSUDA

Kojom im se utvrđuje kazna zatvora u trajanju od 2 (dva) mjeseca i istovremeno se određuje da se utvrđena kazna zatvora neće izvršiti, ukoliko optuženi H. H. u roku od 1 (jedne) godine od dana pravosnažnosti presude ne počini novo krivično djelo.

Prijedlog dokaza koje treba izvesti

- 1. U svojstvu svjedoka ispitati**
- 2. Da se pročita/izvrši uvid:**

REZULTATI ISTRAGE

Dokazi koji potkrepljuju navode optužnice

KANTONALNI TUŽILAC